

azken portuko tabernan

jon maya

Iñaxio Perurena

Nortasun agiria

Iñaxio Perurena herri kirolen munduan etorkizun handia duen gazteetako bat da. 1984. urteko urtarrilaren 10ean jaio zen, Leitza, eta Larrebide etxean bizi da, guraso eta anai-arrebekin. DBHko 3. ikasturtea ari da ikasten, Amazabal institutuan, eta, horretaz gain, gogor ari da lanean 200 kiloko harritzarra jasotzeko.

Metro eta laurogei inguruko garaiera du, esku zabal-zabalak eta 200 kilo jasotzeko moduko indarra. Hori kanpotik begiratuta, baina barrutik, mutil lasai eta lotsatia da Iñaxio Perurena.

Ikasketekin hobeto moldatzen hasia da orain, «eskolako lagun batzuek laguntzen didate eta», baina aurreko ikasturtea errepikatu egin zuen institutuan. Eskolako kontuetan alfer samarra dela aitortzen du. «Ez naiz oso gustura aritzen liburu tartean»; hala ere, badaki ikasketarik gabe ez duela inora heltzeko aukerarik izango, eta urte batzuetan ikasten jarraitzeko asmoa du. Lanbide Heziketan mekanika ikastea gustatuko litzaioke berari. Etorkizuneko bidea ere nahiko argi du: «Etxean badago nahiko lan, 200 ganadu buru ditugu, eta etxeko martxa jarraitzeko asmoa dut».

Asteburuak parranda egiteko gustatzen zaizkio. Larunbatero atera ohi da; jaialdia duenean gaueko hamaiki arte edo, eta bestela goizaldeko laurak-bostak arte. Harriak altxatzeko, ordea, zaindu egin behar du, eta

«Neskei dantza eskatzeko oso lotsatia naiz»

edan eta erre gabe aritzen da: «Taberna joan eta muztioa eskatzeari hasieran barre egiten zidaten, baina orain ohitu naiz, eta parrandetan nik ere izugarritzko barreak egiten ditut». Bere parrandarik onenak afari oparo bat eta afaloste luze baten ondorengoa dira. Batez ere auto eta motor kontuak izaten dituzte aipagai; ondoren juergara. Parrandan lotsati samarra dela dio berak: «Edan ez dugu egiten, orduan kosta egiten zaigu dantzan hasia; jakin ere ez dakigu ondo, eta ez zait erraza egiten horretara jartzea».

«Disco musika eta horrelakoak» jartzen dituztenean gustura entzuten ditu, baita Nino Bravo eta beste klasiko

batzuk ere: «Auto berria erosi genuenean aitzak zer-baiten bila bidali ninduen eta han nengoela Nino Bravo entzun nuen; gustatu egin zitzaidan, eta orain batzuetan entzuten dut etxean». Normalean, ordea, arrebak utzitako «modako diskoak» entzuten ditu. Azken boladan entzuten duena *Disco estrella* izenekoa da, «nahiko ondo dago»; «*Conéctate* ere entzun dut, eta arrebari esan behar diot erosteko». «*Bakalao*-a ere ez dago gaizki, baina batzuetan gehitxo da».

Aktore izateko asmorik ez du inondik ere: «Behin *Goenkale*-n figurante bezala aritzeko esan zidaten, baina ez nintzen joan; oso-oso lotsatia naiz». Lotsatia «neskei dantza eskatzeko eta horrelakoetarako» da, hitz motela ere bada horrelakoetan. Beste batzuetan «ero bolada» ematen dio: «Motorra hartu eta hor ibiltzen naiz ero antzera eman eta eman, lagun batzuekin elkartu eta hor ibiltzen gara harrapatzen dugun guztiari ematen mendian zehar». Motorra du afiziorik handienetakoa. Muntatu eta desmuntatu egiten du berea, eta ulertu ere dexente ulertzen du. Orain mendiko motorra du, baina «autobian ibiltzekoak» ere hasi zaizkio gustatzen, eta inoiz CBR bat erostea pentsatu du. Autoan ibiltzeko adinik ez du oraindik, baina sarri ibiltzen da aitararenean: «Erakustaldietatik bueltan, aitzak batzuetan lo kuluxka egiten du, eta neuk gidatzen dut». «*Todoterreno*» bat izatea gustatuko litzaioke, «auto arruntetan sartzeko gaizki ibiltzen bainaiz». Beste afizioetako bat lagunekin pilotan aritzea da, eta zinemara ere joan ohi da. Ikusi duen azken filma *The Sixth Sense* (Seigarren zentzu), eta gehien atsegin dituen aktoreak Stallone, Schwarznegger «eta halakoak» dira. Motorrarekin susto dexente izan ditu. Urradurara ugari egin ditu, «baina zortea dut, eta oraindik ez dut ezer larririk egin». Azkenik, elkarriketa hau aprobetxatu nahi du harrija-sotzaile izan nahi duten gazteek animatzeko: «Harri batzuek egin eta entrenatzen hasi behar dute».

▼ gari garaialde

bat-batean

- Zer atsegin duzu gehien? Jaialdi bat gustura ematea.
- Eta gorroto? Eskolako lanak.
- Amets bat? Karneta atera eta autoarekin ibiltzea.
- Jateko? Txuleta on bat.
- Eta edateko? Orain sagardoa edaten hasi naiz.
- Parrandarako leku bat? Herria [Leitza].
- Pertsonaia bat? Nire lagunak.
- Eta idolo bat? Maisu bezala, nire aita.
- Nori egingo zenioke elkarriketa hau? Mikel Goñiri [eginda diogu]; orduan Olaiola anaiei.

eklipsearen ostean



igor estankona

Oporretan egon naiz Euskal Herrian zuok ikasten edo lanean egon zareten bitartean, eta mugitzen ikusi zaituztet ni geldituko nengoelarik, eta, sinetsidazue, herri ederra zarete martxan ikusten zaituztedan.

Aberdeenera bueltatu naizenetik zapoan bilatzen zaituztet, Arteako Juan Ramonen harategiko txorizoa eta solomoa frijitzen ditut etxera-martxo nostalgiko batek jota. Arduratuta baina eder egon zarete aberri egunean. Beste behin.

Hemen ez dago nobedade handirik, kontrakoa

Ilargitik bueltan

izango litzateke nobedadea, pisukidetzat daukadan greziarrari zorionak eman dizkiot beraien ezker nazionalak irabazi zituelako hauteskundeak, eta eskerrik asko esan dit, gaitzerdi dela, baina ea zer ostia gertatzen zaien alderdi komunistei, fede guztiarekin eman zuela boto gorria eta ez arrosa, Eta diputatu miserable batzuk baino ez, mila guda irabazi ondoren, mendian pasatu ondoren hogeigarren mende gehiena, diputatu miserable batzuk baino ez, baina bueno, beste zerbaite ere egon da, gogoratzen duzu Marina, Ez esan diot, Bai, jode, nire neska izandakoa, argazkieta-korenatxo hori, eta nik esan diot Ez, argazkie-

tako morena-zati hori esan nahiko duzu, Bueno, bai, ondo da, eta barre egin du alde batetik nire kunplituagaitik lotsatuta eta bestetik gero esango zidana ahoan listuarekin nahasten zebilelako, Ba nirekin itzuli da, esan dit, Edo zu itzuli zara berearekin galdetu diot, Ez dakit, baina gertatu den guztia urak zikintzeari utzi eta errekaaren hondotan pausatzen denean esango dizut, Gustatu zait metafora, zurea al da, Ez, greziar esate bat da, ingles baldarrera itzulua, Esakera ederrak dituzue eduki ere Grezian, Igor, zuok ehizan eta masturbatzen ari zineten bitartean gu ilargira iritsiak ginen, pentsamendurekin.